

K32/22

s248(13)

1. [1b] [0-1b]

7/22

Matlotlo

Tswana law of property

B. Mogorosi

1/3

- Matlotlo otlhe a legae a nna mo taolong ea monna, 'me o na le tettlelelo ea go rua sengoe le sengoe ka moo o ratang ka gone. Ditsoalo, mekgabo, dikobo, digabaapane, ditlabano, dipitsa, dijelo le tsotlhe tsa ntlo. Empa ditsoalo, dijelo, dikobo le dipitsa di mo taolong ea mosadi mme ga a kake a hana ka tsone kgotsa a di rekisa a sa itsese monna pele ba bua ka ga tsone. Dibetsa, digabaapane di mo pushong ea monna hela, empa le ene o na le go itsisa mosadi ha a na le go dira sengoe ka tsone. Dikobo tsone di mo maatleng a bone ka bobedi. Mashoa a mosadi kgotsa a monna a laoloa ke monna, empa ha e le joa mosadi bo nna mo taolong ea monna 'me ha rata go dira sengoe mo go jone o rerisa mosadi 'me ha mosadi a sa rate monna ga a na thata. Ha mosadi a a shoa diaparo tsa gagoe le dilo tsa ntlo ke tsa bana ba gagoe. 'Me mongoe le mongoe o baea tsa gagoe seope sengoe. Ba di kgaogangoa ka mo ba rulagang ka gone. Boago: Boggo bo mo taolong ea monna le mosadi. Le gae le lesaka di mo molaong oa monna. Dipolokelo tsa dijo di mo taolong ea mosadi. Legae ga le tle le kgaogangoa kgotsa go rekisioa. Le gone ga le tle le neoa motho eo mongoe. Gape ga le ke le kgaoganoa ka go le kopanela. Dijo tse di ntseng jaaka: mmidi, mabele mashi, ntshe le dijo tsa tshimo di mo taolong ea monna bogolo 'me mosadi o di disitse hela gape a ka di dirisa koa ntle ga go botsa monna 'me ga a kake a di aba. 'Me ga go na ope oa bobedi jo eo o tla dirisang sepe a sa bua ka le eo mongoe. Motsoko ona o k mo taolong ea monna hela. Monna ga a kake a tsaea dilo tsa mosadi oa bobedi 'me a di dirisa mo tlung ea eo mongoe. Ha a tsaea sengoe mo go ena o tshoanetse go se busa ka se sengoe gape. Balala: Ba ne ba ruioa ke bahumi. Ba ne ba ruioa ke Betsoana ba bogologolo. Balala e ne e le batho ba ba gapiloeng ka dintoa 'me bana ba bone be itaelloe ke batho ba ba ruie jaaka dintsa. Molala oa mosadi ona a a apesioa makatana a diaparo 'me a tshoeroe hela jaaka ekete ga se motho. Gongoe e ne e re ha go ruiloe molala oa mosadi le oa monna, ba se ke ba letleleloe go nna le bana ba bantsi ha ba le babedi hela go ba
- /lekanye.....

- lekanye. Ba ne ba kopioa jaaka dintsa 'me ba tshela ka boima le go tlhoka boikhutso mo botshelong joa bona. Ba ne ba lema, ba dire dijo, ba disa. Ba ne ba sa eloe tlhoko gore a ke batho. E re ha oa mosadi a speile, sa gagoe sejo ke go gorelela pitsa mo e tsologang gone mme a je tsona digau tseo. Ba banna ba ne ba shuga matlalo ba disa mo dirameng tsa mariga mme ha sa tlhomogeloe pelo ke ope. Ba ne ba se na kgololesego kgotsa go gololoa. Dikgomo: Di ruioa ke mung oa motse eleng monna oa motse. Mme le ha mosadi kgotsa bana ba na le tsa bone, ga ba di laole gone ga ba na go laole rra bone a tshela. Mme le ha go le jalo dikgomo tsone ke
3. tsa bone ba di belle ha pele ga rra-bone. Ha ba setse ba nyetse gone ba neoa tsa bone. Monna o ka dira ka moo o ratang ka gone ka dikgomo tsa bana kgotsa tsa gagoe. 'Me ga a na sepe ka ngoana oa ga rragoe. O ka tlhaba ka moo o ratang ka gone kgotsa a rekisa kgotsa a adimane ka tsone. Leha mosadi a na le dikgomo tse o di bapetseng ka tiro ngoe kgotsa e le tse o di neiloeng e le boshoa di ntse di laoloa ke monna oa gagoe. Leha a di neiloa ke rragoe ga a kake a tlhola a di laola ha dile koa sakeng ja monna eo mongoe 'Me ha moroa a nyala go ntshioa dikgomo mo sakeng tsa matshoao otlhe hela ka moo monna o ka bonang ka gone, mme a di ntshe bogadi. Gongoe a duele ka tsone melato ea gagoe. Dinamane tsona e ntse e le tsa beng ba dikgomo di kake tsa tshoaeloa ope gape. Ha dikgomo di latlhegile di sa bone ke tsa motho eo o di boneng. 'Me ha di ka bonoa, ke tsa mung oa tsona hela. Ha di utsoiloe mme di ka bonoa di boela mung oa tsona gape. Mung oa dikgomo o di bona ka lotshoas le mmala. 'Me mmeigi oa dikgomo o opa mokgosi gore eo o latlhegetsoeng ke dikgomo ke mang. 'Me eo mongoe ha a di bone, gongoe ga a di bolele, 'me a ithuele tsone. E re ha kgomo ngoe ea tsone e shule, a e je hela mme a iphitlhile gore a seke a lemogoa ha a utsoa. Ba bangoe ba tle ba tlhabe kgomo ea motho eo mongoe ha ba bona gore mung oa eona ga a itse mo e teng. 'Me ha
4. a ka bonoa gore o jale kgomo a eseng ea gagoe kgotsa mung oa eona a mo tshoara o isioa lekgotleng koa kgosing 'me a atholoe dikgomo tse pedi.

Dintsa: Dintsa di tle di ruiwe ke monna leha e le banna ba basimane. Ga di tlhakaneloe leha gole jalo. Ha monna a ruile ntsa e laoloa ke ene hela a le esi. 'Me ha a e rekisa kgotsa a e bolaea ga a botse ope hela. 'Me ngoana ena ga a kake a dira ka moo o ratang ka gone ka ntsa leha e le ea gagoe. Ntsa ga e ke e adimioa motho eo mongoe kgotsa go e naea motho eo mongoe ka go atisa dintsa tsa gagoe ka eona. Kolobe eona e ruioa ke monna le mogatse, 'me e le mo taolong ea monna. Ga a kake a e rekisa kgotsa go hana ka eona a sa bua le mosadi pele. 'Me le gone ga a kake a e tlhaba mosadi a sa itse sepe ka gone. Leha a rata go e rekisa ga a kake a e rekisa hela ka ntle ga go utloa gore a mosadi o tlaa dumela. Dinku le dipudi di ruioa ke monna hela. Leha gole jalo, mosadi o ntse a na le tsa gagoe le bana. Empa ga ba di laole, ga ba kake ba dira sepe mo go tsone. Ha monna a rata go tlhaba o tlhaba hela a sa botse ope. O ka rekisa hela kgotsa a hana ka ngoe le ngoe hela e e ratang go hana ka eona. Mahulo le masimo: Lehatshe le mo taolong ea kgosi le dichaba tsa lekgotla ja gagoe. 'Me eo mongoe le eo mongoe o na le tettlelelo ea go dira se o se ratang mo lehatshing jeo. Empa ga a kake a rekisa kgotsa go hana ka lona a sa epa i pitso pele 'me ga itsioe gore jang. Kgosi ga 5. e na go ka dira boithatelo joa eona. 'Me ditiriso tsa mahatshe di reroa ke lekgotla ga mnogo le kgosi. Dikago le masimo le letsholo di laoloa ke kgosi le batho ba eona (Council). Babotlana le bone ba ntse ba na le mo ba laoletsoeng teng, 'me ga go na ope eo o tla naeang ope oa batho ba eseng ba lekgotla kgotsa moeti lehatshe. Dikoko di ruioa ke mosadi 'me o na le go dira boithatelo ka tsone. Ha a rata go tlhaba kgotsa go rekisa o rekisa hela. Kōkōrōgō e tle adimioe e e go kota koa mctsing o sele. Leha gole jalo, monna e ntse e le tlhogo ea dilc tsotlhe le ha tse dingoe di sa dirisioe ke ena. 'Me tse di ruiloeng ke ena ga gona mung oa bobedi gape.

MM

ENDS. S 248